

四庫全書

史部

欽定四庫全書

明會典卷八十一

禮部四十

祭祀二

時享太廟

廟號

洪武元年上高祖考尊諡曰玄皇帝廟號德祖妣曰玄  
皇后曾祖考尊諡曰恒皇帝廟號懿祖妣曰恒皇后祖

考尊諡曰裕皇帝廟號熙祖妣曰裕皇后考尊諡曰淳  
皇帝廟號仁祖妣陳氏曰淳皇后永樂元年上高廟尊  
諡曰聖神文武欽明啓運俊德成功統天大孝高皇帝  
廟號太祖后馬氏尊諡曰孝慈昭憲至仁文德承天順  
聖高皇后永樂二十二年上文廟尊諡曰體天弘道高  
明廣運聖武神功純仁至孝文皇帝廟號太宗后徐氏  
尊諡曰仁孝慈懿誠明莊獻配天齊聖文皇后洪熙元  
年上仁廟尊諡曰敬天體道純誠至德弘文欽武章聖

達孝昭皇帝廟號仁宗正統七年上后張氏尊諡曰誠  
孝恭肅明德弘仁順天啓聖昭皇后宣德十年上宣廟  
尊諡曰憲天崇道英明神聖欽文昭武寬仁純孝章皇  
帝廟號宣宗天順六年上后孫氏尊諡曰孝恭懿憲慈  
仁莊烈齊天配聖章皇后天順八年上英廟尊諡曰法  
天立道仁明誠敬昭文憲武至德廣孝睿皇帝廟號英  
宗成化四年上后錢氏尊諡曰孝莊憲穆弘惠顯仁恭  
天欽聖睿皇后成化二十三年上憲廟尊諡曰繼天凝

道誠明仁敬崇文肅武宏德聖孝純皇帝廟號憲宗

廟制

國初於闕左建四廟德祖廟居中懿祖居東第一廟熙祖居西第一廟仁祖居東第二廟廟與主皆南向洪武元年定以四時孟月及歲除凡王享二年重定時享春以清明夏以端午秋以中元冬以冬至惟歲除如舊三年又定時享仍用四孟月惟孟春特享于各廟各行神奏樂餘時俱奉三祖神主合享于德祖之廟德祖仍南

向三祖以次東西向初獻時亦各奏本廟樂餘皆同奏  
德廟樂洪武九年始改建太廟其制前為正殿後為寢  
殿俱翼以兩廡寢殿九間以一間為一室中一室奉安  
德祖帝后神主懿祖居東第一室熙祖居西第一室仁  
祖居東第二室主皆南向几席床榻衾褥櫛篦篋笥帷  
幔器皿之屬皆如生事之儀及時享于正殿則設德祖  
帝后衣冠于神座居中南向

神座俱不奉神主止  
設衣冠禮畢藏之

懿祖

神座列于左西向熙祖列于右東向仁祖列懿祖之次

西向又以親王配享于東壁功臣配享于西壁孟春擇  
上旬吉日孟夏孟秋孟冬用朔日歲暮用除日俱行合  
享之禮俱奏德廟之樂不別行特享禮奏各廟樂洪武  
三十一年以後奉安高廟神主於寢殿居西第二室南  
向正殿神座居熙祖之次東向此南京太廟之制及遷  
都北京建廟與南京同洪熙元年奉安文廟神主於寢  
殿居東第三室南向正殿神座則居仁祖之次西向宣  
德元年奉安仁廟神主於寢殿居西第三室南向正殿

神座則居高廟之次東向宣德十年奉安宣廟神主於寢殿居東第四室南向正殿神座則居文廟之次西向天順八年奉安英廟神主於寢殿居西第四室南向正殿神座則居仁廟之次東向而九廟已備弘治元年始復建祧廟於寢殿後奉藏懿祖神主及儀物於其中則熙祖寢殿神主奉遷于東第一室正殿神座奉遷于西向首位而仁祖以下皆以次奉遷則憲宗祔廟神主於寢殿居西第四室正殿神座居宣廟東向之次每歲暮



則復奉懿祖神座於正殿之左居熙祖之上行祫祭之禮

諸司職掌

一齋戒

凡齋戒前一日太常寺官宿于本司次日具本奏致齋三日次日進銅人

一省牲

牛九羊八山羊十豕十九鹿一兔四今時享牛十四羊十三山羊十六豕三十

兔十二祫祭則各增其一鹿山羊如舊

凡正祭前二日太常司官奏明日與光祿司官省牲至  
次日省牲畢同復命

一正祭陳設

皇高祖前

犢一 羊一 豕一 登二

鉶二 籩豆各十二 簋簠各二

帛二

白色奉  
先制帛

皇曾祖陳設同

皇祖陳設同

皇考陳設同

共設酒尊三

金爵八

磁爵十六

篚四于殿東

設祝文案于殿西

今皇曾祖已祧太祖太宗仁宗宣宗英宗憲宗陳設並同

通設酒尊九

拾祭加一

金爵十七

拾祭加二

磁爵三十四

拾祭加四

篚九

拾祭加一

親王配享四壇

共二十一位  
今具列位號

壽春王妃劉氏 上二位第一壇

霍丘王妃翟氏下蔡王安豐王妃趙氏南昌王 上六

位第二壇

蒙城王妃田氏盱眙王妃唐氏臨淮王妃劉氏 上六

位第三壇

寶應王六安王來安王都梁王英山王山陽王招信王

上七位第四壇

第一壇

犢一

羊一

豕一

登二

鉶二

籩豆各十

簠簋各二

帛二

展親制帛

爵六

第二壇

犢一

羊一

豕一

登六

鉶六

籩豆各十

簠簋各二

帛六

展親制帛

爵十八

第三壇

陳設與二壇同

第四壇

犢一

羊一

豕一

登七

鉶七

籩豆各十

簋簠各二

帛七

爵二十一

共設酒尊三于殿東南北向

篚四

功臣配享十壇

今十六壇  
具列名爵

中山武寧王徐達開平忠武王常遇春岐陽武靖王李  
文忠寧河武順王鄧愈東甌襄武王湯和黔寧昭靖王  
沐英號國忠烈公俞通海蔡國忠毅公張德勝越國武  
莊公胡大海梁國武桓公趙德勝泗國武莊公耿再成  
永義侯桑世傑河間忠武王張玉東平武烈王朱能寧  
國忠莊公王真榮國恭靖公贈少師姚廣孝  
各壇

羊一

豕一

鉶一

籩豆各二

簠簋各一

帛一

報功制帛

爵三

篚一

共設酒尊三于殿西南北向

一儀注

典儀唱樂舞生就位執事官各司其事導引官導引皇帝至御位內贊奏就位典儀奏迎神奏樂樂止內贊奏四

拜

百官同

典儀唱奠帛行初獻禮奏樂執事官各捧帛金

爵受酒獻于神御前讀祝官取祝跪于神御右內贊奏



跪典儀唱讀祝訖進于神御前內贊奏俯伏興平

身

百官同

樂止典儀唱行亞獻禮執事官各以磁爵受酒

獻于神御前樂止典儀唱行終獻禮

儀同亞獻

樂止太常司

卿進立殿東西向唱賜福胙光祿司官捧福酒胙自神

御前中門左出皇帝前內贊奏跪搢圭光祿司官以福

酒跪進內贊奏飲福酒光祿司官以胙跪進內贊奏受

胙出圭俯伏興平身內贊奏四拜

百官同

典儀唱徹饌奏

樂執事官徹饌樂止太常卿詣神御前跪奏禮畢請還

宮奏樂內贊奏四拜

百官同

樂止典儀唱讀祝官捧祝進

帛官捧帛各詣燎位奏樂內贊奏禮畢

### 一時享祝文

維洪武某年某月某日孝玄孫皇帝

今云孝曾孫嗣皇帝

敢昭告

于高曾祖考四廟太皇太后

今云

八廟太皇太后皇考

憲宗純皇帝時維孟

春夏秋冬

禮嚴祭祀謹以牲醴庶品用

伸追慕之情尚享

### 一歲暮祝文

時當歲暮明旦新正謹率羣臣以牲醴庶品恭詣太廟  
用伸追慕之情尚享

一樂章

迎神

中和之曲

慶源發祥世德惟崇致我眇躬

今云

助我祖宗開基建

功京都之內親廟在東維我子孫永懷祖宗氣體則同  
呼吸相通來格來崇皇靈顯融

初獻

壽和之曲武功之舞

思皇先祖耀靈于天源衍慶流繇高逮玄玄孫受命追  
遠其先明禋世崇億萬斯年

亞獻

豫和之曲文德之舞

對越至親儼然如生其氣昭明感格在庭如見其形如  
聞其聲愛而敬之發乎中情

終獻

熙和之曲文德之舞

承前人之德化家為國母曰予小子基命成績

今云惟

前人之功肇膺天厯延及予小子爰受方國欲報其德

昊天罔極殷勤三獻我心悅懌

徹饌

雍和之曲

樂奏儀肅神其燕娛告成于祖亦佑皇妣敬徹不遲以  
終祀禮祥光煥揚錫以嘉祉

還宮

安和之曲

顯兮幽兮神運無迹鸞馭逍遙安其所適其靈在天其  
主在室子子孫孫孝思無數

桃廟

成化二十三年十二月憲宗純皇帝將升祔太廟懿祖  
神主禮宜奉祧熙祖以下當以次奉遷先期遣官祭告  
太廟每廟用犢一上親告憲宗几筵內侍官陳設酒饌  
如常儀畢太常寺官同內執事官于太廟奉遷懿祖室  
內神主衣冠于德祖室內之左原奉享床幔儀物及正  
殿東一位神座俱暫貯于神庫奉先殿懿祖神座儀物  
亦貯于內神庫至日奉祔憲宗純皇帝神主于太廟寢  
殿內西第四室亦設神座于正殿西第四位東向居宣

宗章皇帝之下奉先殿內亦奉祔神位於西第四室及  
新建後殿成奉安懿祖神主衣冠儀物于中南向自後  
每歲暮享太廟仍奉請懿祖出臨正殿西向之位以享  
祫祭之禮

祫祭

前期太常寺陳設懿祖神座于正殿之左熙祖之上前  
一日用祝文酒果遣官祭告太廟云維 年 月

日孝曾孫嗣皇帝

謹遣 某官 敢昭告于八廟

太皇太后皇考憲宗純皇帝 茲者歲暮特修禋祭之  
禮恭迎懿祖皇帝同臨享祀伏惟鑒知謹告

又用祝文酒果遣官祭告懿祖于祧廟云維 年

月 日孝曾孫嗣皇帝 謹遣某官敢昭告于

懿祖恒皇帝 茲者歲暮恭于太廟舉行禋祭之禮祇  
請聖靈詣廟享祀特伸預告伏惟鑒知謹告

禋祭祝文

維 年 月 日孝曾孫嗣皇帝 敢昭告



于八廟太皇太后皇考憲宗純皇帝 時當歲暮明旦  
新正謹率羣臣以牲醴庶品恭詣太廟特修禋祭之禮  
用伸追慕之情尚享

奉先殿

國朝以太廟時享未足展孝思之誠復於宮內建奉先  
殿朝夕致敬朔望行禮時節獻新忌辰致祭

忌辰

仁祖淳皇帝

四月十六日

淳皇后

四月二十一日

太祖高皇帝

五月初十日

日 孝慈高皇后 八月初十日 太宗文皇帝 七月十八日 仁孝文皇

后 七月初四日 仁宗昭皇帝 五月十二日 誠孝昭皇后 十月十八日 宣

宗章皇帝 正月三月初三日 孝恭章皇后 九月初四日 英宗睿皇帝 正月

十七日 孝莊睿皇后 六月二十六日 憲宗純皇帝 八月二十二日

薦新品物

正月

韭菜四斤 生菜四斤

薺菜四斤 雞子二百六十箇

鴨子二百四十箇

二月

芹菜三斤

薑菜五斤

冰

姜蒿五斤

子鵝二十二隻

三月

茶

笋十五斤

鯉魚二十五斤

四月

櫻桃十斤

杏子二十斤

青梅二十斤

王瓜五十箇

雉雞十五斤

猪二隻

五月

桃子十五斤

李子二十斤

夏至李子二十斤

紅豆一斗

沙糖一斤八兩

來禽十五斤

茄子一百五十箇 大麥仁三斗

小麥麵三十斤 嫩雞三十五隻

六月

蓮蓬二百五十箇 甜瓜三十箇

西瓜三十箇 冬瓜三十箇

七月

棗子二十斤 葡萄二十斤

梨二十斤 鮮菱十五斤

芡實十斤

雪梨二十斤

八月

藕四十枝

芋苗二十斤

茭白二十斤

嫩薑二十五斤

粳米三斗

粟米三斗

粳米三斗

鰕魚十五斤

九月

橙子二十斤

栗子二十斤

小紅豆三斗

沙糖一斤八兩

鰯魚十五斤

十月

柑子二十五斤

橘子二十五斤

山藥二十斤

兔十五隻

蜜一斤八兩

十一月

甘蔗一百三十根  
鹿一隻

鴈十五隻

蕎麥麪三十斤

紅豆一斗

沙糖一斤八兩

十二月

菠菜十斤

芥菜五斤

鯽魚十五斤

白魚十五斤

已上奉先殿供薦品物與南京奉先殿供薦品物同其  
子鵝鮮笋梅子雪梨茭白橙子柑子橘子甘蔗至今猶  
是南京太常寺預先附進太常寺收受奏送光祿寺供



薦

奉慈殿

成化二十三年九月上既即位十一月追上母妃紀氏  
尊謚曰孝穆慈慧恭恪莊僖崇天承聖皇太后祔葬茂  
陵遂以羣臣議於宮中別建奉慈殿奉安神主一歲五  
享四序薦新及六月二十八日忌辰祭祀俱如太廟奉  
先殿之儀

事例

洪武元年造太廟祭器凡銀器以金塗之酒壺盃盞每  
事皆八盤盞二百四十及輝梳枕簞篋筭帷幔浴室皆  
具又令太廟祭器以金塗銀者俱易以金二年孟  
春享太廟以功臣七人配享設青布幃六間于太廟庭  
中內設功臣位遣官分獻讀祝又詔太廟祝文止稱  
孝子皇帝不稱臣凡遣太子行禮止稱命長子某勿稱  
皇太子著為令又詔凡時物太常先薦宗廟然後進  
御三年定每月朔望薦新品物及獻新儀皆命太常

卿供事其在月薦之外者太常卿奉旨與內使監官各服常服捧獻不行禮 禮部議准太廟每室舊止用幣一令用二 定親王從享功臣配享儀親王皆設位于東廡西向功臣皆設位西廡東向 四年罷廟庭幃設之次於廟內設黃布幄殿其中併設兩廡祖考神位居中親王及功臣列於兩廡每行禮既奠獻祖考則遣大臣各分獻兩廡不讀祝 是秋又命功臣仍於廡間配享不設布殿 九年新太廟成奉安四代神主以親王

井王妃二十一位侑于殿內東壁功臣十二位配于西  
壁不分獻自是四時之祭皆行合享之禮 二十五年  
議定太廟時享若值國有喪事樂宜備而不作 洪熙  
元年行祔廟禮升功臣四人配享 成化元年增造南  
京太廟寶座之未備者

明會典卷八十一

欽定四庫全書

明會典卷八十二

禮部四十一

祭祀三

祭社稷

春秋仲月上戊日

國初太社太稷異壇同墮祭太社以后土勾龍氏配祭  
太稷以后稷氏配每獻禮先詣太社及配位壇前獻畢  
方詣太稷及配位壇前行禮洪武十年改建社稷壇于

午門外之右同壇同壝壇上層方五丈第二層方五丈三尺高五尺四出陛用五色土隨方築之先是社主用石高五尺闊二尺上微尖立於社壇上半埋土中近南向北稷不用主至是埋石主於社稷壇之正中微露尖于外壝垣四面開靈星門垣之色亦以四方色飾之臨祭時奉太社神牌居東太稷神牌居西俱北向奉仁祖神牌配神西向至是始罷勾龍后稷配位自奠帛至終獻皆同時行禮洪武三十一年後更奉太祖配神永樂

中北京社稷壇成位置陳設俱與南京舊制同洪熙後始奉太祖太宗同配

諸司職掌

一齋戒

與祭太廟禮同

一告廟

祝文與大祀同

正祭前二日用祝文酒果奉先殿告仁祖配社稷後告太祖太宗同配社稷

一省牲

禮與太廟同 牛三 今四羊三 今四豕 三 今四鹿一 兔二



一正祭陳設

太社

在東北向

犢一 羊一 豕一 豮一

鉶二 籩豆各十二 簠簋各二

帛一

黑色禮神制帛

玉用兩圭有邸

太稷

在西北向

陳設同

仁祖配位 在東西向

陳設同 無玉

後太祖太宗配位 俱在東西向

陳設並同 無玉

共設酒尊三 今四 爵九 今十二 篚三 今四 于壇西北東向

祝文案一

一儀注

典儀唱樂舞生就位執事官各司其事導引官導引皇

帝至御位內贊奏就位典儀唱瘞毛血迎神奏樂樂止

內贊奏四拜

百官同

典儀唱奠玉帛行初獻禮奏樂執事

官各捧玉帛爵獻于神位前讀祝官取祝跪于神位左

內贊奏跪典儀唱讀祝讀訖進于太社神位前內贊奏

俯伏興平身

百官同

樂止典儀唱行亞獻禮奏樂執事官

各捧爵獻于神位前樂止典儀唱行終獻禮

儀同亞獻

太常

卿進立于壇西東向唱賜福胙光祿司官捧福胙自神

位前由正門左出至皇帝前內贊奏搢圭光祿司官以

福酒跪進內贊奏飲福酒光祿司官以胙跪進內贊奏

受胙出主俯伏興平身內贊奏四拜

百官同

典儀唱徹饌

奏樂執事官各詣神位前徹饌樂止典儀唱送神奏樂

內贊奏四拜

百官同

樂止典儀唱讀祝官捧祝進帛官捧

帛掌祭官捧帛饌各詣瘞位奏樂內贊奏禮畢

### 一祝文

維洪武某年某月某日皇帝

敢昭告于太社之神

太稷之神惟神贊輔皇祇發生嘉穀粒我烝民萬世永

賴時當仲

春秋

禮嚴

告祀報謝

謹以玉帛牲齊粢盛庶品備茲

瘞祭皇考仁祖淳皇帝配神尚享

後太祖聖神文武欽明啓運俊德成功統天大孝高皇  
帝太宗體天弘道高明廣運聖武神明純仁至孝文皇  
帝配神

一樂章

迎神

予惟土穀兮造化功為民立命兮當報崇民歌且舞兮

朝雍雍備筵率職兮候迓迎想聖來兮祥風生欽當稽  
首兮告拜年豐

初獻

氤氲氣合兮物遂蒙民之立命兮荷陰功予將玉帛兮  
獻徽衷初斟醴薦兮民福洪

亞獻

予今樂舞兮再捧觴願神昭格兮軍民康思必穆穆兮  
靈洋洋感厚恩兮拜祥光

終獻

千羽飛旋兮酒三行香烟繚繞兮雲旌幢予今稽首兮  
忻且惶神顏悅兮霞彩彰

徹饌

俎陳微禮兮神喜將琅然絲竹兮樂舞揚願祥普降兮  
遐邇方烝民率土兮盡安康

送神

氤氲氤氲兮祥光張龍車鳳輦兮駕飛揚遙瞻稽首兮

去何方民福留兮時雨暘

望瘞

捧肴羞兮詣瘞方鳴鸞率舞兮聲鏗鏘思神納兮民福  
昂予今稽首兮謝恩光


事例


洪武元年議定社稷壇臨祭若遇風雨於齋宮望祭  
三年於壇北建祭殿五間又北建拜殿五間以備風雨  
祭祀 四年定祭太社太稷正位用祝文配位不用




十年本部議社稷合祭共為一壇皆設本主而丹漆之  
祭則設于壇上祭畢復奉貯于庫

社稷壇舊圖






社稷祭祀圖



# 社稷陳設圖



太祖太宗陳設同前

祭山川

仲秋

國初建山川壇於天地壇之西正殿七間祭太歲風雲  
雷雨五嶽五鎮四海四瀆鍾山之神東西廡各十五間  
分祭京畿山川春夏秋冬四月將及都城隍之神壇西  
南有先農壇壇東有旗纛廟壇南有籍田一所今京師  
山川壇建於永樂中位置陳設俱與南京舊制同惟正  
殿鍾山之右添祭天壽山之神

諸司職掌

一齋戒

凡齋戒前一日太常司官宿于本司次日具奏本奏致齋二日次日進銅人

凡正祭前二日太常司官同本部官詣城隍廟發咨

一省牲

禮與太廟同 牛十四 今十五 羊十三 今十四 豕十四 今十五 鹿一 兔七

一正祭陳設

正殿七壇

太歲



犢一 羊一 豕一 登一

鉶二 籩豆各十 簠簋各二

帛一 白色禮神制帛 酒盞三十

風雲雷雨

陳設同 帛四 白色禮神制帛

五嶽

陳設同 帛五 五色禮神制帛各依方位下同

五鎮

陳設同

帛五

五色禮  
神制帛

四海

陳設同

帛四

四色禮  
神制帛

四瀆

陳設同

帛四

黑色禮  
神制帛

鍾山

陳設同

帛一

白色禮  
神制帛

天壽山

增

陳設同 帛一

黑色禮  
神制帛

共設酒尊三爵七筐七于殿東南西向

今爵筐  
各八

設祝文案于殿外正道西

東廡三壇

京畿山川

犢一 羊一 豕一 豮一

鉶二 籩豆各十 簠簋各二

帛一

白色禮  
神制帛

酒盞三十

夏季月將

陳設同

帛三

白色禮  
神制帛

冬季月將

陳設同

帛三

白色禮  
神制帛

共設酒尊三爵三篚三于壇南北向

西廡三壇

春季月將

秋季月將

陳設同前

都城隍

陳設同 帛一

白色禮  
神制帛

共設酒尊三爵三筐三于壇南北向

一儀注

典儀唱樂舞生就位執事官各司其事導引官引皇帝  
至御位內贊奏就位典儀唱迎神奏樂執事官各詣神  
位前斟第一層酒樂止內贊奏四拜

百官  
同

典儀唱奠帛

行初獻禮奏樂執事官各捧帛爵獻于神位前讀祝官  
取祝跪于皇帝左內贊奏跪典儀唱讀祝讀畢置于案  
上內贊奏俯伏興平身

百官同

樂止典儀唱行亞獻禮奏

樂執事官各詣神位前斟第二層酒樂止典儀唱行終  
獻禮執事官各詣神位前斟第三層酒樂止太常司卿  
立於殿東西向唱賜福胙典儀唱飲福受胙光祿司官  
捧福胙自神位前由正門左出至皇帝前內贊奏跪搢  
圭光祿司官以福酒跪進內贊奏飲福酒光祿司官以

昨跪進內贊奏受昨出圭俯伏興平身奏兩拜

百官同

典

儀唱徹饌奏樂執事官各于神位前徹饌樂止典儀唱

送神奏樂內贊奏四拜

百官同

典儀唱讀祝官捧祝掌祭

官捧帛饌各詣燎位奏樂內贊奏禮畢

### 一祝文

維洪武某年某月某日皇帝

致祭于太歲之神風

雲雷雨之神岳鎮海瀆山川城隍之神惟神主司民物  
參贊天地化機發育有功歷代相承有秋報之禮今農

事告成謹以牲帛醴齊粢盛庶品用伸報祭尚享

一樂章

迎神

吉日良辰祀典式陳太歲尊神雷雨風雲京畿山川城隍之神濯濯厥靈昭鑒我心以候以迎來格來歆

奠帛

靈其蒞止有赫其威一念潛通幽明弗違有帛在篚物薄而微神兮安留尚祈享之



初獻

神兮安留有薦必受享祀之初奠茲醴酒晨光初昇祥  
徵應候何以侑觴樂陳雅奏

亞獻

我祀維何奉茲犧牲爰酌醴齊二觴再升洋洋如在式  
燕以寧庶表微衷交于神明

終獻

執事有嚴品物斯祭黍稷非馨式將其意薦茲酒醴成

我常祀神其顧歆永言樂只

徹饌

春祈秋報率為我民我民之生賴于爾神維神佑之康  
寧是臻祭祀云畢神其樂歆

送神

三獻禮終九成樂作神人以和既燕且樂雲車風馭靈  
光昭灼瞻望以思邈彼寥廓

望燎

俎豆既徹禮樂已終神之雲旋倏將焉從以望以燎庶  
幾感通時和歲豐惟神之功

事例

洪武二年封京都及天下城隍神 三年正岳鎮海瀆  
城隍諸神號 又命合祀太歲四季月將風雲雷雨岳  
鎮海瀆山川城隍旗纛諸神 又奏准自今遣官祭山  
川壇諸神春用驚蟄後三日秋用秋分後三日獻官及  
陪祀執事官皆前期齋戒三日至日清晨上服皮弁服

御奉天殿降香中嚴陞御座以待祭畢獻官回奏解嚴  
還宮 七年令祭山川諸神於春秋仲月上旬擇日後  
又以孟春郊祀時諸神既預祭壇內二定以仲秋祭社  
稷後擇日祭之 十年令祭山川諸神上親行中七壇  
禮餘壇以功臣分祀

明會典卷八十二

# 欽定四庫全書

史部

明會典卷八十三至九

詳校官編修<sub>臣</sub>裴謙

編修<sub>臣</sub>程嘉謨覆勘

總校官知縣<sub>臣</sub>繆琪

校對官編修<sub>臣</sub>沈清藻

謄錄監生<sub>臣</sub>徐焯

欽定四庫全書

明會典卷八十三

禮部四十二

祭祀四

陵寢

國初追封諸王  
及外戚墳附

熙祖陵在今鳳陽府泗州蟄城之北洪武初尊號曰祖  
陵設泗州祠署置奉祀一員又望祭德祖懿祖二陵置  
陵戶二百九十三戶供洒掃每歲正旦清明中元冬至

及每月朔望本署官供祭行禮仁祖陵在中都鳳陽府  
太平鄉洪武初尊號曰皇陵設皇陵衛并祠祭署署官  
奉祀一員祀丞三員俱勲舊世襲置陵戶三千三百四  
十二戶供直宿灑掃於內選禮生二十四名供祭祀執  
事每歲正旦清明中元孟冬冬至俱署官行禮朔望中  
都留守司官行禮弘治元年以來差內官一員奉勅監  
護凡官員以公事經過者俱謁陵

太祖高皇帝陵曰孝陵在南京鍾山之陽高皇后馬氏

合葬設神宮監并孝陵衛及祠祭署每歲正旦孟冬忌  
辰萬壽聖節俱行香清明中元冬至俱祭祀特令勲舊  
大臣一員行禮南京各衙門文武官俱陪行禮若親王  
之國過南京者謁陵官員以公事入城者謁陵出城者  
辭陵國有大事則遣大臣祭告太宗文皇帝陵曰長陵  
在京師昌平縣之天壽山文皇后徐氏合葬仁宗昭皇  
帝陵曰獻陵在天壽山昭皇后張氏合葬宣宗章皇帝  
陵曰景陵在天壽山章皇后孫氏合葬英宗睿皇帝陵



曰裕陵在天壽山睿皇后錢氏合葬憲宗純皇帝陵曰  
茂陵在天壽山孝穆皇后紀氏合葬諸陵各設神宮監  
并衛及祠祭署凡清明中元冬至祭祀俱分遣駙馬都  
尉行禮各衙門文武官陪祭忌辰及正旦孟冬萬壽聖  
節亦遣駙馬都尉行禮親王之國詣諸陵辭謁

祭陵儀注

典儀唱執事官各司其事贊引引獻官由右門入至拜  
位贊就位執事捧香爐詣前跪進香于獻官贊上香贊

復位贊拜興拜興拜興衆官同典儀唱奠帛行初  
獻禮執事捧帛捧爵自跪獻贊跪衆官皆跪贊讀祝贊  
俯伏興平身衆官同典儀唱行亞獻禮執事捧爵自跪  
獻典儀唱跪俯伏興平身衆官同典儀唱行終獻禮禮  
同亞獻典儀唱拜興拜興拜興平身衆官同典儀  
唱讀祝官捧祝進帛官捧帛詣燎位禮畢

祝文

維某年某月某朔某日孝曾孫嗣皇帝謹遣某官某昭

告于某號某謚皇帝某謚皇后曰氣序流邁時維

清明中元

冬至追念深恩伏增哀感謹用祭告伏惟尚享諸陵並同

惟裕陵稱孝孫嗣皇帝茂陵稱孝子嗣皇帝懿文太子陵在孝陵之左四孟清明中元冬至歲暮及忌辰凡九祭俱孝陵祠祭署兼主之

祭儀同前

恭讓章皇后陵在京師西山清明中元冬至及忌辰俱遣內官行禮

祭儀同前

祝文

維某年某月某朔某日孝曾孫嗣皇帝謹遣某昭告于  
恭讓誠順康穆靜慈章皇后尊靈曰日月不居仙逝益  
遠茲遇某節不勝追慕謹用祭告伏惟尚序恭仁康定  
景皇帝陵在西山清明中元冬至及忌辰俱遣儀賓行  
禮

祭儀同前

祝文

維某年某月某朔某日姪孫嗣皇帝謹遣某官某昭告  
于叔祖恭仁康定景皇帝曰節序流邁時維某節追念  
親親良增傷感茲以牲醴用修時祭伏惟尚享孝陵諸  
妃俱陪塋惟二妃塋陵之東西長陵諸妃俱陪塋獻陵  
諸妃俱陪塋惟三妃別塋金山景陵諸妃俱陪塋惟一  
妃別塋金山裕陵無陪塋者一塋綿山餘俱塋金山茂  
陵無陪塋者一塋茂陵西南餘俱塋金山

凡陪塋諸妃歲時俱享于殿內其別葬諸妃俱遣

內官行禮

悼恭太子 懷獻世子 蘄獻王 滕懷王 忻穆王

許悼王 衛恭王 貞烈妃楊氏 越靖王 貞惠

妃吳氏 秀懷王 妃黃氏 岐惠王 蔚悼王及

永清公主 長泰公主 仙遊公主俱塋西山歲時遣

內官行禮

諸王墳

壽春王 妃劉氏 霍丘王 妃翟氏 下蔡王 安

豐王 妃趙氏 蒙城王 妃田氏 寶應王 六安

王 來安王 都梁王 英山王

右俱國初追封墳在鳳陽府西北二十五里地名  
白塔設祠祭署陵戶

南昌王 妃王氏 盱眙王 妃唐氏 臨淮王 妃劉

氏 山陽王 招信王

右俱國初追封附葬鳳陽皇陵有司歲時祭祀皆

與享其分封諸王葬于本封之國者其子孫自主  
祭祀此不具列

外戚王墳

陽王墳在鳳陽府盱眙縣津里鎮洪武初設盱眙祠祭  
署置墳戶二百一十戶徐王墳在鳳陽府宿州新豐里  
洪武初設宿州祠祭署置墳戶九十三戶滁陽王墳在  
直隸滁州洪武初立廟墳所置墳戶以奉祭祀

事例



洪武二十六年令車馬過陵者及守陵官民入陵者百步外下馬違者以大不敬論 永樂元年太祖高皇帝忌辰上率諸王奉先殿祭畢仍率百官躬詣孝陵致祭公侯駙馬伯文武四品以上及近侍官於殿前行禮五品以下官於門外行禮 七年營山陵於昌平縣黃土山封其山為天壽山 正統元年諭禮部每遇山陵祭祀之日與百官俱具淺色衣服 二年諭都察院天壽山祖宗陵寢所在敢有剪伐樹木者治以重罪家屬發

邊遠充軍即出榜禁約仍令錦衣衛官校巡視工部同  
欽天監官環山立界外聽民樵采 成化九年奏准  
南京孝陵祭祀凡文武大小官員有不赴者令御史糾  
察 十五年令鳳陽皇陵皇城并泗州祖陵所在應禁  
山場地土巡山官軍務要用心巡視不許伐樹取土石  
開窯燒造燒山及於皇城內外耕種牧放作踐有犯者  
正犯處死家口俱發邊遠充軍有科歛銀兩饋送不用  
心巡視及守備留守等官貪圖賄賂不嚴加約束以致

下人恣肆作弊不能禁治者一體重罪

明會典卷八十三

欽定四庫全書

明會典卷八十四

禮部四十三

祭祀五

祭歷代帝王

國初祭三皇廟用勾芒祝融風后力牧配享洪武六年  
始建歷代帝王廟於欽天山之陽畧用同堂異室之制  
祭三皇至元世祖凡十六位皆開基創業有功德於民

之主後復擇古名臣三十七人從祀兩廡皆用始終全節者每歲郊祀時既附祭歷代帝王秋八月復擇日遣官祭於本廟

諸司職掌

一齋戒

凡齋戒前一日太常官宿于本司次日具本奏致齋二

日傳制遣官行禮

今欽天監擇定秋祭日祭期本部預行南京太常寺齋戒行禮

一省牲

牛五羊五豕六鹿一兔八

凡正祭前一日獻官承制畢詣本壇省牲

一正祭陳設

五室十六位

每室犢一 羊一 豕一

每位 登一 鉶二 籩豆各十 簠簋各二 帛一

白色禮

神制帛

已上五室共設酒尊三爵四十八篚五于中室東

南西向設祝文案于西

一儀注

典儀唱樂舞生就位執事官各司其事贊引引獻官至

盥洗所贊搯笏出笏引至拜位贊就位典儀唱迎神協

律郎舉麾奏樂樂止贊四拜

陪祭官同

典儀唱奠帛行初獻

禮奏樂執事官各捧帛爵進于神位前贊引贊詣三皇

神位前搯笏執事官以帛進于獻官奠訖執事官以爵

進于獻官贊獻爵

凡三

出笏詣五帝神位前

儀同前爵凡五

詣三

王神位前

爵凡三

詣漢高祖光武唐太宗皇帝神位前

爵凡

三詣宋太祖元世祖皇帝神位前

爵凡二儀並同前出笏

詣讀祝

所跪讀祝讀祝官取祝跪于獻官左讀畢進于神位前

贊俯伏興平身復位樂止典儀唱行亞獻禮奏樂執事

官各以爵獻于神位前樂止典儀唱行終獻禮

儀同亞獻

典

儀唱飲福受胙贊詣飲福位跪搯笏執事官以爵進飲

福酒執事官以胙進受胙出笏俯伏興平身復位贊兩

拜典儀唱徹饌奏樂執事官各于神位前徹饌樂止典

儀唱送臣奏樂贊四拜平身樂止典儀唱讀祝官捧祝



掌祭官捧帛解各詣瘞位樂止贊禮畢

從祀名臣

東廡第一壇

風后 皋陶 龍 伯益 傳說 召公奭 召穆公

虎 張良 曹參

羊一 豕一 鉶九 簠一 籩豆各二

棗栗菁  
菹鹿醢

簠簠各一

黍稷共  
稻粱共

帛九

白色禮  
神制帛

酒盞二十

七 饌盤一 簠一

第二壇

周勃 馮異 房玄齡 李靖 李晟 潘美 岳飛

水華黎 博爾忽 伯顏

羊一 豕一 釧十 籩豆各二 簋簋各一

帛十 酒盞三十 饌盤一 筐一

西廡第一壇

力牧 夔 伯夷 伊尹 周公旦 太公望 方枋

蕭何 陳平

陳設與東廡第一壇同

第二壇

鄧禹 諸葛亮 杜如晦 郭子儀 曹彬 韓世忠

張浚 博爾朮 赤老溫

陳設同

一祝文

維洪武某年歲次某甲子某月某日皇帝謹遣具官某  
致祭于太昊伏羲氏炎帝神農氏黃帝軒轅氏帝金天

氏帝高陽氏帝高辛氏帝陶唐氏帝有虞氏夏禹王商  
湯王周武王漢高祖皇帝漢光武皇帝唐太宗皇帝宋  
太祖皇帝元世祖皇帝曰昔者奉天明命相繼為君代  
天理物撫育黔黎彞倫攸序井井繩繩至今承之生民  
多福思不忘而報特祀以春秋惟帝兮英靈來歆來格  
尚享

一樂章

迎神

仰瞻兮聖容想鸞輿兮景從降雲衢兮後先來俯鑒兮  
微衷荷聖臨兮蒼生有崇瞻諸帝兮是臨予頓首兮幸  
蒙

奠帛

秉微誠兮動聖躬來列坐兮殿庭予今願兮效勤捧禮  
帛兮列酒尊鑒予情兮欣享方旋駕兮雲程

初獻

酒行兮爵盈喜氣兮雍雍重荷蒙兮再瞻再崇羣臣欣

兮躍從願覩穆穆兮聖容

亞獻

酒斟兮禮明諸帝熙和兮悅情百職奔走兮滿庭陳籩  
豆兮數重亞獻兮願成

終獻

獻酒兮至終早整雲鸞兮將還宮予心眷戀兮神聖欲  
攀留兮無蹤躡雲衢兮緩行得遥瞻兮達九重

徹饌

納肴羞兮領陳烝民樂兮幸生將何以兮崇報維歲時  
兮載瞻載迎

送神

旛幢繚繞兮導來蹤鸞輿冉冉兮歸天宮五雲擁兮祥  
風從民歌聖佑兮樂年豐

望燎

神機不測兮造化功珍羞禮帛兮薦火中望瘞庭兮稽  
首願神鑒兮寸衷

事例

洪武元年令以太牢祀三皇 六年議定三皇五帝三王及漢唐宋創業之君俱於京師立廟每歲春秋致祭  
遂建帝王廟於京師中一室以居三皇東一室五帝西一室夏禹商湯周文王又東一室周武王漢光武唐太宗又西一室漢高祖唐高祖宋太祖元世祖 又命歷代帝王廟皆祀開基創業之君周文王雖基周命然終守臣節唐高祖雖有天下然皆太宗之力可勿設二主



止於陵廟致祭 七年令帝王廟皆塑衮冕坐像惟伏羲神農未有衣裳之制不必加以冕服 二十年令武成王從祀帝王廟罷其舊廟仍去王號 二十一年定歷代名臣從祀帝王廟以宋趙普負太祖為不忠不可從祀元臣木華黎於安童為祖不可以其孫從祀而去其祖可祀木華黎而罷安童既祀伯顏阿木亦不必祀

祭先師孔子

春秋仲月上丁  
日遣官行禮

國初上如江淮先謁孔子廟幸學崇儒重道之意已肇

于此後監前代瀆禮之失既詔正嶽鎮海瀆與城隍之  
號其歷代忠臣烈士亦止依當時封號惟孔子封爵特  
仍其舊後四配十哲兩廡諸賢封爵亦仍舊不改每歲  
二丁傳制遣官致祭列聖登極皆遣官祭告闕里又駕  
幸太學行釋奠禮每月朔望遣內臣降香

諸司職掌

一齋戒

一省牲

儀並同前牛一山羊五今京師  
用北羊豕九今十四鹿一兔五

一正祭陳設

正壇

犢一 羊一 豕一 登一 籩豆各十今各十二 鉶二

簋簋各二 帛一白色禮神制帛 共設酒尊三 爵三

篚一于壇東南西向設祝文案于壇西

四配位

每位 羊一 豕一 登一 鉶二 籩豆各十 簋

簋各一 爵三 帛一 篚一

十哲

東武壇

豕一

五分

帛一

簠一

爵三

每位

鉶一

籩豆各四

簠簋各一

酒盞一

西五壇陳設同

東廡

五十三位共十三壇  
五十五位共十四壇

共豕一

今豕三

帛一

簠一

爵三

每壇

籩豆各四

簠簋各一

酒盞四

西廡

五十二位共十三壇  
五十五位共十四壇

陳設並同東廡

一儀注

典儀唱樂舞生就位執事官各司其事分獻官陪祭官  
各就位贊引引獻官至盥洗所贊詣盥洗位搢笏出笏  
引至拜位贊就位典儀唱迎神奏樂樂止贊四拜

陪祭官同

典儀唱奠帛行初獻禮奏樂執事官捧帛爵詣神位前  
贊引贊詣大成至聖文宣王神位前搢笏執事以帛進  
奠訖執事以爵進贊引贊獻爵出笏詣讀祝位跪讀祝  
讀祝官取祝跪于獻官左讀祝俯伏興平身贊詣兗國

復聖公神位前搢笏獻爵出笏詣邨國宗聖公神位前

儀同前

詣沂國述聖公神位前詣鄒國亞聖公神位前

並儀

同前

贊復位樂止典儀唱行亞獻禮奏樂執事以爵獻于

神位前樂止典儀唱行終獻禮奏樂

儀同亞獻

樂止典儀唱

飲福受胙贊詣飲福位跪搢笏執事以爵進贊飲福酒

執事以胙進贊受胙出笏俯伏興平身復位贊二拜

陪祭

同官典儀贊徹饌奏樂執事各詣神位前徹饌樂止典儀

唱送神奏樂贊引贊四拜

陪祭官同

典儀唱讀祝官捧祝掌

祭官捧帛解各詣瘞位典儀唱望瘞奏樂贊引贊詣望瘞位樂止贊禮畢

分獻官儀注

典儀唱分獻官陪祭官各就位各至拜位候讀祝訖唱分獻官行禮贊引贊詣盥洗所贊搯笏贊出笏贊陞壇贊詣神位前贊搯笏執事以帛進于分獻官奠訖執事以爵進於分獻官獻訖贊出笏贊復位

一祝文

維洪武某年歲次某甲子月日皇帝遣具官某致祭于  
大成至聖文宣王惟王德配天地道冠古今刪述六經  
垂憲萬世謹以牲帛醴齊粢盛庶品祇奉舊章式陳明  
薦以充國復聖公邠國宗聖公沂國述聖公鄒國亞聖  
公配尚享

一樂章

迎神

大哉宣聖道德尊崇維持王化斯民是宗典祀有常精



純並隆神其來格於昭聖容

奠帛

自生民來誰底其盛維王神明度越前聖粢帛具成禮  
容斯稱黍稷非馨惟神之聽

初獻

大哉聖王實天生德作樂以崇時祀無數清酤惟馨嘉  
牲孔碩薦修神明庶幾昭格

亞獻終獻

百王宗師生民物軌瞻之洋洋神其寧止酌彼金壘惟清且旨登獻于三於嘻成禮

徹饌

犧象在前豆籩在列以享以薦既芬既潔禮成樂備人和神悅祭則受福率遵無越

送神

有嚴學宮四方來宗恪恭祀事威儀雍雍歆格惟馨神馭還復明禋斯畢咸膚百福

事例

洪武元年遣官釋奠于先師孔子定以仲春仲秋二上  
丁日降香遣官祭于國子學 四年更定孔子釋奠祭  
器禮物各置高案遵豆簋簠登鉶悉用磁器牲用熟樂  
舞生擇監生及文職大臣子弟在學校者預教習之

十五年詔天下通祀孔子頒釋奠儀 二十六年頒大  
成樂於天下府學令州縣如式製造 永樂八年令天  
下文廟聖賢衣冠繪塑不合古制者悉改正 二十八

年黜莽大夫楊雄進漢董仲舒從祀 正統元年令刊  
印儒學從祀先賢名爵位次頒行天下永為遵守 二  
年以宋儒胡安國蔡沈真德秀從祀 三年禁天下祀  
孔子於釋老宮 又定祭丁品物其不係出產者鹿兔  
以羊代榛棗以土產果品代 八年追封元吳澄為臨  
川郡公從祀 景泰六年以兩廡祭品儉薄從太常寺  
奏增豕四隻棗栗各五十斤黍稷各一斗形鹽五十斤  
及行南京國學一例增設 成化二年追封董仲舒為

廣川伯胡安國為建寧伯蔡沈為崇安伯真德秀為浦城伯 十二年增樂舞為八佾籩豆各為十二 弘治九年追封宋楊時為將樂伯從祀

釋菜

每月初一日祭酒率本監官并監生行禮

儀注

其日侵晨執事者各司其事分獻官各官分列於大成門內監生排班俟獻官至通贊唱排班獻官以下各就

位通贊唱班齊闔戶鞠躬拜興拜興平身行禮引贊詣  
獻官前唱詣盥洗所獻官盥手悅巾訖引贊唱詣酒罇  
所司罇者舉罇酌酒訖引贊唱詣大成至聖文宣王神  
位前跪獻爵俯伏興平身

執事者行事  
並同釋奠

引贊唱詣兗國

復聖公神位前邨國宗聖公神位前沂國述聖公神位  
前鄒國亞聖公神位前

儀並  
同前


至亞聖公位十哲兩廡分

獻官一同行禮畢諸引贊同唱復位諸引贊導獻官分  
獻官至原拜位立通贊唱鞠躬拜興拜興平身闔戶禮

畢十哲兩廡分獻禮

行事並  
同釋奠

# 帝王廟





十哲  
每位

和

栗

明

恭

稷

菁

江

鹿

東

鹿

鹿

兩廡配享  
每壇

廟

栗

棗

櫛

黍

稷

苽

廡

豆

光

祭先農

遣應天府官祭令  
遣順天府官祭

國初以郊廟社稷先農俱為大祀每親祭先農遂耕籍  
田以后稷氏配神又嘗改請仁祖配神後以山川歷代  
帝王先師孔子及先農旗纛俱列中祀止遣應天府官  
致祭先農不設配位祭畢猶親耕籍田永樂遷都後乃  
遣順天府官致祭列聖登極之初行耕籍禮則親祭每  
歲以仲春上戊日遣官致祭

諸司職掌

一齋戒

二日

一省牲

牛一 羊一 豕一 鹿一 兔一

一正祭陳設

先農之神

南向

犢一 羊一 豕一 登一 鉶二 籩豆各十 簋

簋各二

帛一

青色禮神制帛

設酒尊三 爵三 篚一于

壇東南西向設祝文案于壇西

一儀注

典儀唱樂舞生就位執事官各司其事贊引引獻官至  
盥洗所贊詣盥洗所搢笏出笏贊引贊就位典儀唱瘞  
毛血迎神奏樂樂止贊引贊四拜

陪祭官同

典儀唱奠帛行

初獻禮奏樂贊引贊詣神位前搢笏執事官以帛跪進  
于獻官奠訖執事官以爵跪進于獻官贊引贊獻爵出  
笏詣讀祝所跪讀祝讀祝官取祝跪于獻官左讀祝畢  
進于神位前贊引贊俯伏興平身復位樂止典儀唱行

亞獻禮奏樂執事以爵進于神位前樂止典儀唱行終

獻禮

儀同亞獻

典儀唱飲福受胙贊引贊詣飲福位執事以

爵進贊引贊飲福酒執事以胙進贊引贊受胙出笏俯

伏興平身復位贊引贊兩拜典儀唱徹饌奏樂執事于

神位前徹饌樂止典儀唱送神奏樂贊引贊四拜樂止

典儀唱讀祝官捧祝掌祭官捧帛饌各詣瘞位典儀唱

望瘞贊引贊詣望瘞位贊禮畢

一祝文

維洪武某年歲次某甲子月日皇帝謹遣具官某致祭  
于先農之神惟神初興農事乃種嘉穀為民立命萬世  
永賴今將東作親耕籍田謹以牲醴庶品用修常祀尚  
享

一樂章

迎神

東風啟蟄地脈奮然蒼龍掛角煜煜天田民命惟食創  
物有先園鐘既奏有降斯筵

奠帛

帝出乎震天發農祥神降于筵藹藹洋洋禮神有帛其  
色惟蒼豈伊具物誠敬之將

初獻

九穀未分庶草收同表為嘉種實在先農黍稷斯豐酒  
醴是共獻奠之初以蕝感通

亞獻

倬彼甫田其隰其原來耜云載駟御之間報本思享亞



獻惟虔神其歆之自古有年

終獻

帝籍之典享祀是資潔豐嘉粟咸仰于斯時惟親耕享  
我農師禮成于三以訖陳詞

徹饌

於赫先農歆此潔修于篚于爵于饌于羞禮成告徹神  
惠敢留餽及終畝豐年是求

送神

神無不在於昭于天曰迎曰送于享之筵冠裳在列金石在懸往無不之其佩翩翩

望燎

祝帛牲醴先農既歆不留不褻瘞之厚深有幽其瘞有赫其臨曰禮之常匪今斯今

事例

洪武二年親祭先農以后稷氏配享十年遣官祭先農令應天府官率農民耆老陪祭

祭旗纛

旗手衛指揮  
祭祭神旗附

國家旗纛藏之內府每歲仲秋祭山川日遣旗手衛指揮祭于山川壇內之旗纛廟霜降日又祭于教場至歲暮享太廟日又祭于承天門外永樂後別有神旗之祭專祭火雷之神每月朔望神機營提督官請祭於教場內今附于後

諸司職掌

一齋戒

二日

一省牲

牛一羊一豕一

一正祭陳設

神七位

南向

旗頭大將

六纛大將

五方旗神

主宰戰船正神

金鼓角鉦鉦之神

弓弩飛鎗飛石之神

陣前陣後神祇五昌等衆

犢一 羊一 豕一 登一 鉶二 籩豆各十

簋簠各二

帛七

黑二白五  
禮神制帛

共設酒尊三

爵一 篚一 于壇東南西向設祝文案于壇西

一儀注

贊引引獻官至盥洗所贊詣盥洗所贊就位迎神作樂

執事官于神位前斟酒訖贊引贊四拜

陪祭  
官同

贊奠帛行

初獻禮作樂執事捧帛爵進贊引贊詣神位前執事以帛進奠訖執事以爵進贊獻爵訖贊復位跪讀祝讀訖贊俯伏興平身樂止贊引唱行亞獻禮執事於神位前斟酒樂止唱行終獻禮儀同亞獻唱飲福受胙贊詣飲福位跪飲福酒受胙以下儀與祭先農同祭神旗牲用羊一豕一無帛

一儀注

贊引引獻官就位贊四拜贊初獻禮贊跪贊讀祝訖贊俯伏興平身贊亞獻禮贊終獻禮贊四拜贊詣焚祝所

訖贊禮畢

一祝文

維某年月日皇帝遣某官某致祭于天威神機火雷無敵大將軍之神惟神威勇猛勵剛勁精強訇雷掣電歛火奔風護國庇民厥功顯著肅靖兇暴寧謐封疆遇有征討惟神是賴驅鋒遣鏑端直竒妙萬發萬中疊貫連穿破敵致勝如拉枯朽無堅不摧無捍不滅神其蓄銳毓靈用之則應特以牲品致祭神其享之

祭五祀

四孟及季夏分祭各羊一豕一禮神制  
帛一歲暮合祭共羊五豕五制帛五

一儀注

贊引引獻官詣盥洗所措笏洗訖出笏贊就位贊四拜

贊行初獻禮贊詣神位前措笏奠帛獻爵

如素祭  
獻茶

出笏

復位贊跪讀祝訖俯伏興平身贊行亞獻禮執事捧爵

自跪獻于神位左贊行終獻禮執事捧爵自跪獻于神

位右贊四拜贊焚祝帛贊詣焚祝所禮畢

一祝文



維某年月日皇帝遣某官某致祭于司戶之神

宮內祭  
內官行

禮

曰職司于戶謹出入之行藏晝開幕闔衛護無私時

維孟春謹以牲醴致祭神其鑒知尚享

司竈之神

光祿寺祭  
內官行禮

祝文曰日月飲食必資于竈爨有

常所神實司之時維孟夏謹以牲醴致祭神其鑒知

中雷之神

奉天殿外文樓前西向司禮監  
官行禮季夏土旺後戊日祭

祝文曰室之

中雷神司其職居中向明照察無私時維季夏謹以牲

醴致祭神其鑒知

司門之神

午門前祭守門內官行禮

祝文曰職司于門謹出入之行

歲畫開幕闔衛護無私時維孟秋謹以牲醴致祭神其

鑒知

司井之神

宮內祭內官行禮

祝文曰神司茲井源泉潔清其用

日新以供飲食時維孟冬謹以牲醴致祭神其鑒知

歲暮合祭五祀

太廟西廡下東向太常寺官行禮儀注與前分祭同分祭用禮神制帛各一合

祭用帛五祝文曰惟神安養護衛各著厥功茲當歲暮特以

牲醴報祭神其鑒知



明會典卷八十四

欽定四庫全書

明會典卷八十五

禮部四十四

祭祀六

合祀神祇一

諸司職掌

一在京十一廟

北極真武

祭物用素三月三日九月九日遣南京太常寺官祭

道林真覺普濟禪師

祭物用素三月十八日  
遣南京太常寺官祭

都城隍

八月祭帝王後一日  
遣南京太常寺官祭

祠山廣惠

二月十八日遣南  
京太常寺官祭

五顯靈順

四月八月九月二十八  
日遣南京太常寺官祭

漢秣陵尉蔣忠烈

晉成陽卞忠貞公

宋濟陽曹武惠王

南唐劉忠肅王

元衛國忠肅公

已上五廟俱四孟朔日歲暮除日遣應天府官祭惟蔣忠烈舊廟四月二十六

日加一祭

故功臣

位號令具列于後

正殿

中山武寧王徐達開平忠武王常遇春岐陽武靖王李

文忠寧河武順王鄧愈東甌襄武王湯和黔寧昭靖王

沐英

東序

都指揮使馮國用郢國公僉都督耿再成西海武莊公  
僉都督丁德興濟國公都督同知張德勝蔡國忠毅公  
靖海侯吳積海國襄毅公平章康茂才蘄國武義公副  
使茆成東海郡公

西序

叅政胡大海越國武莊公都督同知趙德勝梁國公廣  
德侯華高巢國武莊公都督同知俞通海號國忠烈公  
江陰侯吳良江國襄烈公宣寧侯曹良臣安國忠烈公



安陸侯吳復黔國威毅公副使孫興祖燕山忠愍侯

右正

祭中山武寧王以下六人配以郢國公以下十五人又兩廡各設牌一面總書故指揮千百戶衛所鎮撫之靈四孟歲暮遣駙馬都尉祭若正旦清明中元孟冬冬至又別遣太常寺官祭武寧王大功坊之家廟

### 後增祀神祇

漢前將軍壽亭侯關公廟

四孟歲暮遣應天府官祭五月十三日又遣南京太常寺

祭官

天妃宮

正月十五日三月二十三日遣南京太常寺官祭

京都太倉神廟

二八月十五日遣南京戶部官祭

司馬馬祖先牧神廟

二八月中旬擇日遣  
南京太僕寺官祭

已上俱南京

北極佑聖宮

即真武廟三月三日九  
月九日遣太常寺官祭

都城隍廟

五月十一日遣  
太常寺官祭

京都太倉神廟

二八月中旬擇  
日遣戶部官祭

司馬馬祖先牧神廟

二八月中旬擇日  
遣太僕寺官祭

元世祖廟

二八月中旬擇日  
遣順天府官祭

漢前將軍壽亭侯關公廟

五月十三日遣  
太常寺官祭

宋文丞相祠

二八月中旬擇日  
遣順天府官祭

東嶽泰山廟

三月二十八日  
遣太常寺官祭

靈濟宮

正旦冬至萬壽聖節遣內閣禮部及內  
官各一員祭二真君生辰遣禮官祭

已上俱京師

諸司職掌

一各處聖帝明王忠臣烈士載在祀典不係淫祀者其  
廟宇陵寢皆要備知其處每年定奪日期或差官往祭  
或令有司自祭本部悉

帝王陵廟

伏羲氏商高宗俱陳州祭

漢光武孟津縣祭

周世宗鄭州祭

宋太祖太宗真宗仁宗俱鞏縣祭

已上並屬河南

神農氏鄆縣祭

舜帝寧遠縣祭

已上並屬湖南

軒轅氏延安府祭

周文王武王成王康王漢高祖景帝俱西安府祭

漢文帝咸寧縣祭

漢武帝興平縣祭

漢宣帝長安縣祭

後魏文帝富平縣祭

隋高祖扶風縣祭

唐高祖三原縣祭

唐太宗醴泉縣祭

唐憲宗蒲城縣祭

唐宣宗涇陽縣祭

已上並屬陝西

高陽氏高辛氏俱滑縣祭

商中宗內黃縣祭

元世祖順天府祭

已上並屬北直隸

堯帝東平州祭

少昊氏曲阜縣祭

已上並屬山東

媧皇氏趙城縣祭

商湯王滎河縣祭

已上並屬山西

夏禹王宋孝宗俱會稽縣祭

已上屬浙江

祝文

維某帝王功加當時德垂後世陵寢所在卽止益虔維  
時仲春秋謹具牲醴庶品用伸祀禮尚享

事例

洪武三年遣官訪歷代帝王陵寢仍命各行省之臣同  
詣所在審視若有廟祀并具圖以進 四年遣使祭歷  
代帝王陵寢始罷天下府州縣祀三皇 九年遣官視



歷代帝王陵寢凡三十六陵令百步內禁入樵採設陵  
戶二人看守有司督近陵之民以時封培每三年一傳  
制遣道士齋香帛分詣各府州縣陵寢處所令有司致  
祭

凡遇登極俱遣官分投祭告

各處祠廟

北直隸

開州忠烈廟

祀元死事  
臣郭嘉

欽定四庫全書

明會典  
卷八十五

通州開平忠武王祠

以燕山侯孫興祖配享

真定北嶽廟

恒山之神

容城劉靜修祠

祀元儒劉因

永平夷齊廟

舊有封號今止稱殷伯夷叔齊之神

永平韓昌黎祠

祀唐韓文公愈

山海關顯功祠

祀中山武寧王徐達

古北口靈威廟

祀宋楊業

南直隸

鎮江焦光祠

祀漢隱士焦光

常州泰伯祠

洪武初有御製祭文又蘇州亦有廟

常州吳季子廟

洪武初賜額曰嘉賢

常州陳司徒廟

祀隋臣陳果仁

江陰陳烈士廟

烈士宋人名忠

蘇州吳公祠

祀孔門弟子言偃

蘇州泰伯廟

蘇州伍子胥廟

今稱吳大夫伍公之神又杭州亦有廟

蘇州范文正公祠

祀宋參知政事范仲淹又陝西慶陽亦有祠

蘇州韓蘄王廟

祀宋韓世忠

蘇州魏了翁祠

祀宋參知政事魏文靖公

蘇州顧侍郎祠

祀顧野王

蘇州兩尚書廟

祀國朝夏忠靖公原吉周文襄公忱

吳江二高祠

祀越范蠡晉張翰唐陸龜蒙

松江三陸廟

祀孫吳陸丞相遜以其子大司馬杭及從子丞相凱配享

徽州廣惠廟

隋郡人汪華有保障功後立廟祀之宋加封廣惠王

寧國義烈廟

祀宋赤心將劉晏

寧國褒烈廟

祀宋宣州守李光

太平忠臣廟

祀洪武初樞密院判花雲王昇及知府許瑗皆以死勤事者

池州西祠

祀梁昭明太子統

貴池文節祠

宋通判趙昂發夫婦死節祀之

鳳陽顯濟廟

神莫詳所自國初禱雨有應祀之

揚州旌忠廟

祀宋死事之臣王方魏全

高郵康澤祠

祀宋人耿遇德

淮安平江祠

祀永樂間漕運總兵陳瑄

安慶余忠襄公祠

祀元守臣余闕後以前守臣韓建之及義兵萬戶李宗可配享皆同時死

者節

滁州豐山廟及栢子潭廟

俱以本名稱其神

徐州靈源弘濟廟河平神廟龍神廟

俱歲祭

山西

平陽中鎮廟

祀中鎮霍山之神

平陽平水祠

今以本號稱其神

平陽薛文清祠

祀本朝禮部左侍郎  
兼翰林院學士薛瑄

蒲州西海廟

西海之神

蒲州河瀆廟

大河之神

汾州永澤廟

今稱白彪山  
馬跑泉之神

汾州狄武襄廟

祀宋將  
狄青

長子崔令祠

祀唐縣令  
崔元靖

沁州南山神廟及焦龍神廟

俱稱以  
本名

沁州龍泉神廟

今稱伏牛山  
龍泉之神

山東

泰安東嶽廟

泰山之神

泰安孫明復祠

以其徒石守道配享

兗州黃石公祠

兗州顏孟二氏祠

兗州宗聖公祠

兗州青山廟

今稱為青山之神

兗州大河神祠

正統間有朝宗順正惠通靈顯廣濟之稱



兗州泗水神廟

今稱以本名

沂州東鎮廟

沂山之神

萊州東海廟

東海之神

安平顯惠等廟

國朝塞張秋決口功成改張秋為安平鎮立真武龍王天妃三廟以鎮之賜額

曰顯惠又修黃陵廟河口功成亦賜額曰昭應

海州衛德勝廟

永樂中廣寧伯劉江禦倭有功請賜額以祀真武

海州衛都督及永康侯廟

成化中以都督衛青及永康侯徐安生備倭有功祀之

遼東北鎮廟

醫巫閭山之神

河南

濟瀆廟

大濟之神

河南中嶽廟

嵩山之神

懷慶北海廟

北海之神

均州黃丞相廟

祀漢循吏建威侯黃霸

新鄭子產廟

祀春秋鄭子產

密縣卓太傅祠

祀漢循吏褒德侯卓茂

滎澤紀信祠

今稱漢將軍紀公又四川順慶府亦有廟祀

歸德協忠廟

祀唐臣張巡許遠配以雷萬春南霽雲姚閻賈育四人

河南二程祠

又博野亦有二程祠

湯陰岳王廟

祀宋武穆王飛又杭州亦有墳墓

衛輝三仁廟

祀殷微子箕子比干

衛輝衛源廟

今以本名稱其神

衛輝黑龍神廟

今稱本名

陝西

藍田三呂祠

祀宋竇文閣學士呂大忠及其弟大鈞大臨

華陰西嶽廟

華山之神

邠州姜嫄公劉二廟

岐山周公廟

郿縣橫渠祠

祀宋儒張載

隴州西鎮廟

吳山之神

甘肅武勇祠

祀伏羲伯毛忠

榆林余肅敏祠

祀尚書余子俊

浙江

杭州伍子胥廟

稱號與蘇州同

杭州靈衛廟

祀宋錢塘令朱蹕暨金勝祝威二將

杭州鄒詹事徐贊善二祠

祀洪熙宮僚鄒濟徐善述

杭州于少保祠

祀兵部尚書于謙

紹興南鎮廟

會稽山之神

紹興孝女廟

祀漢孝女曹娥後配以宋孝女朱娥

仁和褚公廟

祀唐臣褚遂良

山陰愍孝廟

祀宋孝子蔡定

會稽旌忠廟

祀宋南渡時義士唐琦

嵯縣貞婦祠

祀宋臨海王貞婦

蕭山劉侯廟

祀漢郡守劉寵

蕭山德惠祠

祀宋縣尹楊時及本朝魏尚書驥

嚴州烏龍廟

今稱以本名

金華越國公祠

洪武初祀忠臣胡大海近以按察副使陶成配享

金華正學祠

祀宋儒何基王柏元儒金履祥許謙四人

温州仁濟廟

祀晉郡人周凱

温州忠惠廟

祀宋死事  
人徐震

温州忠烈廟

祀宋教授  
劉士英

温州忠惠廟

祀宋死事  
臣張理

青田誠意伯廟

祀洪武  
初劉基

樂清忠烈侯廟

祀唐死事  
人田居邨

嘉興陸宣公祠

祀唐相  
陸贄

海寧許侯廟

唐忠臣許遠生  
於海寧特祀之

江西

南昌忠臣廟

祀洪武初平章趙德勝樞密判官李繼先左副指揮使劉齊統軍元帥許珪右副元

帥趙國昭同知元帥朱潛元帥副使牛海龍千戶張子明張德山百戶徐明總管夏茂江西行省都事葉思成

知洪都葉琛臨海同知趙天麟等一十四人

新淦蕭公廟

祀邑人蕭伯軒及其子叔祥孫天任

萍鄉甘侯廟

祀蕭章太守甘卓

宜春仰山祠

祀宜山二龍之神

廬陵忠節祠

祀宋歐陽文忠修楊忠襄邦又胡忠簡銓周文忠必大楊文節萬里文忠烈天祥本

朝劉忠愍球李忠文時勉



廣信張叔夜祠

景泰中以永豐知縣  
鄧顯死節配享祠中

貴溪謝文節祠

祀宋忠臣  
謝枋得

饒州忠臣廟

在康郎山祀樞密同知丁普郎張志  
雄等三十五人皆國初死戰者

九江崇烈廟

祀元江州總管李黼以其姪秉  
昭及義兵萬戶李宗可配享

九江狄梁公廟

祀唐司空  
狄仁傑

湖廣

德安淮瀆廟

大淮  
之神

武昌昭勇廟

祀孫吳將  
軍甘寧

常德陽山廟

祀陽山之神以征南將軍梁松配享

道州周濛溪祠

沅州英顯廟

祀唐刺史林公

沅州顯應廟

祀明山之神

長沙洞庭廟

祀洞庭湖龍神

湘陰黃陵廟

祀舜二妃

湘陰屈原廟

今稱楚三閭大夫屈原氏之神

衡州南嶽廟

衡山之神

岳州謝晦廟

今稱宋荊州刺史謝公之神

澧州彭思王廟

祀唐刺史李元則

沔陽馬侯廟

祀漢新息侯馬援

沔陽諸葛武侯祠

寶慶賀叅政祠

洪武初叅政賀興隆死事立祠祀之

龍陽潘將軍廟

祀孫吳潘太常濬

龍陽張將軍廟

祀漢將軍張飛

# 四川

成都江漬廟

大江之神

成都三守廟

祀蜀郡太守秦李冰漢文翁宋張詠

成都先主廟

以諸葛武侯配享

合州鄉賢祠

舊有祠後增祀宋守臣王堅及安撫使張珏

潼川旌忠廟

祀南唐東川節度使夏魯琦

馬湖顯應祠

以元人于法之神著靈彼土祀之

龍州李龍陽廟

州人李龍遷仕梁有功德今稱梁龍陽李公之神

福建

福州靈濟宮

祀南唐徐知誥知訓兄弟

候官麻刺王饗堂

永樂間麻刺國王入貢卒于候官賜謚康靖今歲祭其墓

建寧靈通廟

祀唐京畿令謝夷甫

建安朱子祠

以文肅黃幹文簡劉燭文正蔡沉文忠真德秀配享又徽州亦有祠

將樂道南祠

祀宋儒楊時

延平威寧廟

祀五代閩將劉璵

延平顯惠廟

祀隋汀州刺史穆肅

延平旌福廟

祀宋將樂令陳據

尤溪忠顯廟

祀宋烈士余望

尤溪忠愍廟

祀宋武節郎趙師櫝

福陽熊去非祠

祀宋儒熊禾

汀州漁滄廟

祀唐銀青光祿大夫樊令

汀州王推官祠

祀景泰中推官王得仁

上杭褒忠祠

祀正統中巡按監察御史五驥及福建都指揮丁泉

廣東

廣州南海廟

南海之神

廣州天妃廟

今山東直隸諸處多有廟不具載

廣州楊都堂祠

祀景泰嘗僉都御史楊信民後以按察副使毛吉配享

南海真武靈應祠

南海忠義祠

洪武初祀南海民關敏

崖山三忠祠

祀宋忠臣文天祥陸秀夫張世傑

韶州張文獻及余襄公祠

祀唐張九齡宋余靖近以唐刺史鄧文進配享于文獻祠

中

肇慶包孝肅公祠

祀宋郡守包丞相拯

瓊州靈山祠

神有六曰靈山曰香山曰瓊崖曰通濟曰定邊曰班帥今並祭之

瓊州高山廟

祀毘耶山之神

電白高涼夫人廟

祀神高州太守馮寶妻洗氏

電白靈湫廟

今稱以本名

廣西

南寧三公祠

祀宋狄青孫沔余靖後配以邕守蘇軾及推官譚必

慶遠葉叅議祠

天順間府同知葉禎父子同死事贈官歲祀之

雲南



雲南二忠祠

祀洪武間使臣王忠文公禕及尚書吳雲

黔寧王廟

祀西平侯沐英以其子定遠王晟配

貴州

鎮遠侯廟

祀永樂中總兵官顧成

已上在外府州縣

明會典卷八十五